

全唐詩

全

唐

詩

全唐詩目 第四

第五冊

賈至

一卷

錢起

四卷

卷之四

詩

詩

詩

全唐詩

賈至

賈至字幼鄰洛陽人父曾開元初掌制誥至擢明經第
爲單父尉拜起居舍人知制誥父子繼美帝常稱之肅
宗擢爲中書舍人坐小法貶岳州司馬寶應初召復故
官除尚書左丞大曆初封信都縣伯遷京兆尹召散騎
常侍卒謚曰文集十卷今編詩一卷

自蜀奉冊命往朔方途中呈韋左相文部房尚
書門下崔侍郎

胡羯亂中夏鑾輿忽南巡衣冠陷戎寇狼狽隨風塵
幽公秉大節臨難不顧身激昂白刃前濺血下沾巾尚書

抱忠義歷險披荆榛扈從出劍門登翼岷江濱時望挹
侍郎公才標縉紳亭亭崑山玉皎皎無緇磷顧惟乏經
濟扞牧陪從臣永願雪會稽仗一作劍清咸秦太皇時內
禪神器付嗣君新命集舊邦至德被達人捧冊自南服
奉詔趨北軍覲謁心載馳違離難重陳策馬出蜀山畏
途上緣雲飲啄叢箐間棲息虎豹羣崎嶇凌危棧惴惴
一作驚心神峭壁上欽岑大江下泆泆皇風扇八極異類
懷深仁元兇誘黠虜肘腋生妖氛明主信英武威聲赫
四一作鄰誓師自朔方旗幟何繽紛鐵騎照白日旌頭拂
秋旻將來一作盪滄溟寧止蹴崑崙古來有屯難否泰長
相因夏康纘禹績代祖復漢勲于役各勤王驅馳拱紫

宸豈惟太公望往昔逢周文誰謂三傑才功業獨殊倫
感此慰行邁無爲歌苦辛

贈裴九侍御昌江草堂彈琴

朔風吹疎林積雪在崖巘鳴琴草堂響小澗清且淺沈
吟東山意欲去芳歲晚悵望黃綺心白雲若在眼

巴陵早秋寄荊州崔司馬吏部閤功曹舍人

謫居瀟湘渚再見洞庭秋極目連江漢西南浸斗牛滔
滔盪雲夢澹澹搖巴丘曠如臨渤澥窅疑造瀛洲君山
麗中波蒼翠長夜浮帝子去永久楚詞尚悲秋我同長
沙行時事加百憂登高望舊國胡馬滿東周苑葉遍蓬
蒿樊鄧無良疇獨攀青楓樹淚灑滄江流故人西掖寮

同扈岐陽蒐差池盡三黜踴躍各南州相去雖地接一作近
不得從之遊耿耿雲陽臺迢迢王粲樓跂予暮霞裏誰
謂無輕舟

閑居秋懷寄陽翟陸贊府封丘高少府

今日霖雨霽颯然高館涼秋風吹二毛烈士加慨慷憶
昔皇運初衆賓俱龍驤解中佐幕府脫劍升明堂郁郁
被慶雲昭昭翼太陽鯨魚縱大壑鸞鶯鳴高岡信矣草
創時泰階速賢良一言頓遭逢片善蒙恩光我生屬聖
明感激竊自彊崎嶇郡邑權連騫翰墨場天朝富英髦
多士如珪璋盛才溢下位蹇步徒猖狂閉門對羣書八
案在我旁枕席想遠遊聊欲浮滄浪八月白露降玄蟬

號枯桑艤舟臨清川迢遞愁思長我有同懷友各在天
一方離披不相見浩蕩隔兩鄉平生霞外期宿昔共行
藏豈無蓬萊樹歲晏空蒼蒼

送友人使河源

送君魯郊外下車上高丘蕭條千里暮日落黃雲秋舉
酒有餘恨論邊無遠謀河源望不見旌旆去悠悠

送李侍御

我年四十餘已歎前路短羈離洞庭上安得不引滿李
侯忘情者與我同疎懶孤帆泣瀟湘望遠心欲斷

送耿副使歸長沙

畫舸欲南歸江亭且留宴日暮湖上雲蕭蕭若流霞昨

夜相知者明發不可見惆悵西北風高帆爲誰扇

送夏侯子之江夏

扣楫洞庭上清風千里來留歡一杯酒欲別復裴回相
見楚山下漁舟憶釣臺羨君還舊里歸念獨悠哉

寓言二首

春草紛碧色佳人曠無期悠哉千里心欲采商山芝歎
息良會晚如何桃李時懷君晴川上佇立夏雲滋
凜凜秋閨夕綺羅早知寒玉砧調鳴杵始擣機中紉憶
昨別離日桐花覆井欄今來思君時白露盈堦溥聞有
關河信欲寄雙玉盤玉以委貞心盤以薦嘉餐嗟君在
萬里使妾衣帶寬

燕歌行

國之重鎮惟幽都東威九夷北制胡五軍精卒三十萬

百戰百勝擒單于前臨滹沱後

一作四

易水崇山沃野亘千

里昔時燕山重賢士黃金築臺從隗始倏忽興王定

一作亡空

薊丘漢家又以封王

一作五

侯蕭條魏晉爲橫流鮮卑竊據

朝五州我唐區夏餘十紀軍容武備赫萬祀彤弓黃鉞

授元帥耨耨大漠爲內地季秋膠折邊草腓治兵羽獵

因出師千營萬隊連旌旗望之如火忽電馳匈奴懾竄

窮髮北大荒萬里無塵飛君不見

一本無不見三字

隋家昔爲天下

宰窮兵黷武征遼海南風不競多死聲鼓卧旗折黃雲

橫六軍將士皆死盡戰馬空鞍歸故營時移

一作還

道革天

下平白環入貢滄海清自有農夫已高枕無勞校尉重
橫行

巴陵寄李二戶部張十四禮部

時貶岳州司馬

江南春一作芳草初羃羃愁殺江南獨愁客秦中楊柳也應
新轉憶秦中相憶人萬里鶯花不相見登高一望淚沾
巾

長門怨

獨坐思千里春庭曉景長鶯喧翡翠幙柳覆一作暗鬱金堂
舞蝶繁愁緒繁花對靚妝深情託瑤瑟絃斷不成章

銅雀臺

日暮銅臺靜西陵烏雀歸撫絃心斷絕聽管淚霏微靈

几臨朝奠空牀卷夜衣蒼蒼川上月應照妾魂飛

侍宴曲

雲陛褰珠

一作衣

宸

一作裳

天

一作丹

墀覆綠楊隔簾妝隱

一作掩

映向席

舞低昂鳴珮長廊靜開冰廣殿涼歡餘劍履散同輦入

昭陽

對酒曲二首

梅發柳依依黃鸝

一作鶯

歷亂飛當歌憐景色對酒惜芳菲

曲水浮花氣流風散舞衣通宵留暮雨止客莫言歸

春來酒味濃舉酒對春叢一酌千憂散三杯萬事空放

歌乘美景醉舞向東風寄語尊前客生涯任轉蓬

送陸協律赴端州

越井人南去湘川水北流江邊數杯酒海內一作外一孤舟

嶺嶠同仙客京華即舊遊春心將別恨萬里共悠悠

送王員外赴長沙

攜手登臨處巴陵天一隅春生雲夢澤水溢洞庭湖共
歎虞翻枉同悲阮籍途長沙舊卑濕今古不應殊

送夏侯參軍赴廣州

聞道衡陽外由來鴈不飛送君從此去書信定應稀雲
海南溟遠煙波北渚微勉哉孫楚吏綵服正光輝

長沙別李六侍御

月明湘水白霜落洞庭乾放逐長沙外相逢路正難雲
歸帝鄉遠鴈報朔方寒此別盈襟淚雍門不假彈

岳陽樓宴王員外貶長沙

一作南
州有贈

極浦三春草，高樓萬里心。
楚山晴靄碧，湘水暮流深。
忽與朝中舊，同爲澤畔吟。
停杯試北望，還欲淚沾巾。

詠馮昭儀當熊

白羽插雕弓，蜺旌動朔風。
平明出金屋，扈輦上林中。
逐獸長廊靜，呼鷹御苑空。
王孫莫諫獵，賤妾解一作當熊

早朝大明宮呈兩省僚友

銀燭熏

一作朝

天紫陌長，禁城春色曉蒼蒼。
千條弱柳垂青

瑣，百轉流鶯繞

一作過

建章。劍珮聲隨玉墀步，衣冠身惹

一作染

御爐香。共沐恩波鳳池上

一作裏

朝朝。朝染翰侍君王。

白馬

白馬紫連錢

一作乾

嘶鳴丹闕前聞珂白蹕蹕不要下金鞭

贈薛瑤英

元載末年納薛瑤英為姬以體輕不勝重衣於外國求龍綃衣之惟至及楊炎與載並得見其歌舞各贈詩

舞怯銖衣重笑疑桃臉開方知漢成帝虛築避風臺

出塞曲

萬里平沙一聚塵南飛羽檄北來人傳道五原烽火急

單于昨夜寇

一作扣

新秦

春思二首

草色青青柳色黃桃花歷亂李花香東風不為吹愁去

春日偏能惹恨長

紅粉當壚弱柳垂金花臘酒解酴醾笙歌日暮能留客

醉殺長安輕薄兒

勤政樓觀樂

銀河帝女下三清
紫禁笙歌出九城
爲報延州來聽樂
須知天下欲昇平

贈陝掾梁宏

梁子工文四十年
詩顛名過草書顛
白頭仍作功曹掾
祿薄難供沽酒錢

荅嚴大夫

今夕秦天一鴈來
梧桐墜葉搗衣催
思君獨步華亭月
舊館秋陰生綠苔

送李侍郎

一作御

赴常州

雪晴雲散北風寒
楚水吳山道路難
今日送君須盡醉